



Na osnovu člana 22 Statuta Brčko distrikta BiH – preišeni tekst (Službeni glasnik Brčko distrikta BiH, broj 2/10), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08, 20/10, 4/13 i 31/13), razmatraju i Prijedlog mjera s ciljem okončanja realizacije projekta izgradnje upravne zgrade Policije Brčko distrikta BiH, Skupština Brčko distrikta BiH na 22. redovnoj sjednici održanoj 21. decembra 2017. godine, donosi

ODLUKU O USVAJANJU PRIJEDLOGA MJERA

Član 1

S ciljem ispunjenja svih potrebnih preduslova za uspješno okončanje projekta izgradnje upravne zgrade Policije Brčko distrikta BiH, Skupština Brčko distrikta Bosne i Hercegovine usvaja sljedeće mjere koje je potrebno realizovati, i to:

- a) Provesti tendersku proceduru za izradu projektne dokumentacije kojom će se u potpunosti otkloniti nedostaci konstatovani izvještajima Komisije za tehnički prijem.
Projektni zadatak bazirat će se na primjedbama koje su članovi Komisije dali u postupku tehničkog pregleda objekta ali će sadržavati i dio koji se odnosi na uočene manjkavosti ranijih projektnih rješenja i/ili nedostatke koji su uočeni nakon završetka posljednje faze izgradnje. Projektni zadatak definisat će stručni tim, a tim će imenovati nadležni organ. Dokumentacija će suštinski predstavljati „dodatak“ u formi izmjena i dopuna projekta za koje je pribavljeno prethodno odobrenje za građenje i dati potrebne elemente za egzaktnu procjenu troškova neophodnih radova. O potrebi revizije ove dokumentacije izjasnit će se nadležni organ u skladu sa zakonskom procedurom. Sastavni dio obaveze projektanta bit će i projektantski nadzor kao i izrada projekta izvedenog stanja.
- b) Provesti tendersku proceduru za izbor izvođača radova.
Tenderska dokumentacija, ta nije tehničke specifikacije s predmjerom radova, pripremit će se na bazi prethodno izrađene projektne dokumentacije. U zavisnosti od postupka nabavke odnosno procedure definisat će se model ugovora.
- c) Realizovati izvođenje radova u obimu i na način kojim će se u potpunosti otkloniti sve naznačene primjedbe i nedostaci, a u skladu s važećom zakonskom regulativom i projektnom dokumentacijom.
Nadzorni tim, koji će pratiti realizaciju ove faze, init će stručna lica imenovana u skladu s važećom zakonskom procedurom a po potrebi angažovat će se i eksterna stručna podrška (PP zaštita i sl.).
- d) Po okončanju radova pokrenuti novu proceduru pribavljanja odobrenja za upotrebu uz prethodno objedinjavanje cjelokupne dokumentacije za sve faze realizacije projekta.

- e) U saradnji s izvođača ima radova organizovati obuku budućih korisnika objekta za sve instalirane sisteme.
- f) Izvršiti primopredaju objekta između Odjeljenja za javne poslove, Ureda za upravljanje javnom imovinom i korisnika Policije Brčko distrikta BiH.

član 2

Zadužuje se Vlada Brčko distrikta BiH da obezbijedi nedostajuća finansijska sredstva u budžetu Brčko distrikta BiH za 2018. godinu s ciljem realizacije mjera iz ove odluke.

član 3

Zadužuje se Vlada Brčko distrikta BiH da utvrdi odgovornost za pričinjenu štetu kao i njen finansijski iznos i da preduzme mjere za obeštećenje budžeta Brčko distrikta BiH.

član 4

Rok za realizaciju ovih mjera je 90 dana od dana donošenja ove odluke.

član 5

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj: 01-02-294/17
Brčko, 21. 12. 2017. godine

**PREDSJEDNIK
SKUPŠTINE BRČKO DISTRIKTA BIH
Esed Kadri**

Dostavljeno:

- 1) Predsjedniku
- 2) Dopredsjedniku
- 3) Gradonačelniku
- 4) Odjeljenju za javne poslove
- 5) Odjeljenju za javnu sigurnost
- 6) Odjeljenju za komunalne poslove
- 7) Odjeljenju za stručne i administrativne poslove
- 8) Odjeljenju za prostorno planiranje
- 9) Policiji Brčko distrikta BiH
- 10) Direkciji za finansije
- 11) Uredu za upravljanje javnom imovinom
- 12) Sektoru za koordinaciju politika i općine poslove
- Odsjeku za općine poslove
- 13) Arhivi